

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), a u vezi sa članom 2. stav (1) tačka c) Zakona o carinskoj tarifi („Službeni glasnik BiH“, broj 58/12), članom 3. stav (2) Odluke o utvrđivanju Carinske tarife za 2017. godinu („Službeni glasnik BiH“, broj 97/16) i članom 208. stav 1. Odluke o provedbenim propisima Zakona o carinskoj politici Bosne i Hercegovine ("Službeni glasnik BiH", br. 63a/04, 60/06 i 57/08), Vijeće ministara Bosne i Hercegovine na 89. sjednici održanoj 25. januara 2017. godine, donijelo je

O D L U K U

O UPRAVLJANJU TARIFNIM KVOTAMA UTVRĐENIM PROTOKOLOM UZ SPORAZUM O STABILIZACIJI I PRIDRUŽIVANJU IZMEĐU EVROPSKIH ZAJEDNICA I NJIHOVIH DRŽAVA ČLANICA, S JEDNE STRANE, I BOSNE I HERCEGOVINE, S DRUGE STRANE, KAKO BI SE UZELO U OBZIR PRISTUPANJE REPUBLIKE HRVATSKE EVROPSKOJ UNIJI

Član 1.

(Predmet Odluke)

Ovom Odlukom propisuju se kriteriji i način raspodjele tarifnih kvota prilikom uvoza poljoprivrednih proizvoda u okviru odobrene tarifne kvote, u skladu sa Protokolom uz Sporazum o stabilizaciji i pridruživanju između Evropskih zajednica i njihovih država članica, s jedne strane, i Bosne i Hercegovine, s druge strane, kako bi se uzelo u obzir pristupanje Republike Hrvatske Evropskoj uniji (u daljem tekstu Protokol).

Član 2.

(Definicije)

U smislu ove Odluke pojedini pojmovi imaju sljedeće značenje:

- a) „tarifna kvota“ je prethodno određena količina koja se može uvesti uz nultu stopu carine.
- b) „upravljanje tarifnim kvotama“ je mjera kojom se osigurava ispravno provođenje odredbi o tarifnim kvotama.

Član 3.

(Način raspodjele tarifnih kvota)

- (1) Ministarstvo vanjske trgovine i ekonomskih odnosa Bosne i Hercegovine, (u daljem tekstu Ministarstvo) vrši raspodjelu tarifnih kvota iz člana 1. ove Odluke i izdaje Odobrenje o povlačenju iz tarifne kvote.
- (2) Javni poziv za raspodjelu tarifnih kvota Ministarstvo će objaviti na web stranici Ministarstva.

- (3) Način raspodjele tarifne kvote iz stava (1) ovog člana zavisi od tarifne oznake i količine utvrđenih kvota i vrši se na slijedeći način:
- a) Za tarifne oznake iz Aneksa I Protokola, Aneks III (f), 0102 29 61 00, 0102 29 91 00, 0103 92 11 00, 0103 92 19 00, 0103 92 90 00, 0105 94 00 00, 0403 90 51 00, 0701 90 90 00, 1701 99 10 00, 0401 20 11 00, 0401 20 91 00, 0403 10 11 00, 0403 10 13 00, 0403 90 59 00 i 1601 00 99 00, za tarifne oznake iz Aneksa III uz Protokol 1, 0403 10 91 00, 0403 90 91 00, 1905 31 19 00, 1905 31 99 00, 1905 32 19 00 i 2402 20 90 00 kao i za tarifne oznake iz Aneksa IV Protokola, izmjene i dopune Aneksu I Protokola 7 (ex 2204 10 i ex 2204 21), raspodjela tarifne kvote vrši se četiri puta godišnje, za svaki kvartal pojedinačno.
 - b) Za tarifne oznake iz Aneksa I Protokola, Aneks III (f), 0207 12 90 00, 0207 13 10 00, 0207 13 30 00, 0207 13 60 00, 0207 13 99 00, 0207 14 20 00, 0207 14 60 00, 0207 14 99 00, 0401 40 10 00, 0401 50 11 00, 0402 21 18 00, 0403 90 53 00, 0405 10 11 00, 0405 10 19 00, 0406 10 30 00, 0406 10 50 00, 0406 10 80 00, 0409 00 00 00, 1601 00 91 00, 1602 10 00 00, 1602 20 90 00, 1602 31 19 00, 1602 32 11 00, 1602 32 19 00, 1602 32 30 00, 1602 32 90 00, 1602 41 10 00, 1602 49 15 00, 1602 49 30 00, 1602 49 50 00, 1602 50 31 00, 1602 50 95 00, 1701 91 00 00, 2001 10 00 00, 2001 90 70 00, 2005 99 50 00, 2005 99 60 00, raspodjela tarifne kvote vrši se dva puta godišnje.
 - c) Za tarifne oznake iz Aneksa I Protokola, Aneks III (f), 0701 90 50 00, 0704 90 10 00, 0706 10 00 00, 0806 10 10 00, 0809 21 00 00, 0811 90 75 00 i tarifne oznake iz Aneksa III uz Protokol 1, 0403 10 93 00, 0403 10 99 00, 0403 90 93 00, 1905 90 45 00, 2208 20 29 00 i ex 2208 20 29 10, raspodjela tarifne kvote vrši se jednom godišnje.
- (4) Odobrenje o povlačenju iz tarifne kvote, iz stava (1) ovog člana nije prenosivo.
- (5) Ministarstvo prati primjenu ove Odluke te u zavisnosti od stanja na tržištu i izvršenih analiza uvoza roba obuhvaćenih Protokolom, može odlučiti da se način raspodjele tarifnih kvota vrši drugačije od načina propisanog stavom (3) ovog člana, radi postizanja istog cilja Odluke i uz poštovanje principa pojednostavljenja i ekonomičnosti postupka.

Član 4. (Javni poziv)

Javni poziv za raspodjelu tarifnih kvota sadrži podatke o:

- a) ukupnoj količini tarifne kvote za koju se raspisuje,
- b) tarifnim oznakama iz Odluke o utvrđivanju carinske tarife,
- c) dokumentaciji koja se prilaže uz zahtjev, i
- d) roku za podnošenje zahtjeva.

Član 5. (Kriteriji za raspodjelu tarifnih kvota)

Pri raspodjeli kvota iz člana 1. ove Odluke polazi se od stanja na tržištu i uzimaju se u obzir sljedeći kriteriji na nivou podnosioca zahtjeva:

- a) namjena proizvoda, veličina proizvodnje i iskorištenost proizvodnih kapaciteta, za tarifne oznake koje po svom naimenovanju podliježu obradi
- b) broj zaposlenih i ostvareni prihod u prethodnoj godini,

- c) uvoz proizvoda u prethodnoj godini
- d) primjena regionalne zastupljenosti u raspodjeli. Prilikom primjene ovog kriterija Ministarstvo polazi od realnog zahtjeva podnosioca zahtjeva za svaku tarifnu oznaku pojedinačno.

Član 6.

(Period važenja tarifnih kvota)

- (1) Tarifne kvote se otvaraju na godišnjem nivou Odlukom o utvrđivanju Carinske tarife.
- (2) Period važenja otvorenih tarifnih kvota je od 1. januara do 31. decembra godine na koju se odnosi Odluka iz stava (1) ovog člana.
- (3) Uvoz iz člana 1. ove Odluke podrazumijeva puštanje robe u slobodan promet unutar perioda važenja kvote.

Član 7.

(Zahtjev za dodjelom tarifnih kvota)

- (1) Zahtjev za dodjelu određene količine robe u okviru pojedine tarifne kvote podnosi se na propisanom obrascu.
- (2) Zahtjev iz stava (1) ovog člana podnosi se Ministarstvu u vremenskom periodu definisanom u javnom pozivu iz člana 4. ove Odluke.
- (3) Pravo učestvovanja u raspodjeli tarifnih kvota imaju pravna lica registrovana za obavljanje vanjskotrgovinskog prometa (u daljem tekstu: uvoznik).
- (4) Uz zahtjev iz stava (1) ovog člana obavezno se prilaže:
 - a) Dokaz o upisu u sudski registar/Rješenje o obavljanju djelatnosti,
 - b) Izvod potvrde o izmirenim dospelim finansijskim obavezama prema Poreskim upravama entiteta i Brčko Distrikta i Uvjerenje o izmirenom indirektnom porezu, ne stariji od mjesec dana.
- (5) Uz zahtjev iz stava (1) ovog člana prilažu se i dokumenta kojima se dokazuje ispunjenost kriterija iz člana 5 i to:
 - a) Za kriterij iz tačke a) izjava o namjeni proizvoda, veličini proizvodnje i iskorištenosti kapaciteta te odobrenje o ispunjenosti uslova za obavljanje djelatnosti.
 - b) Za kriterij iz tačke b) izjava o broju zaposlenih i ostvarenom prihodu u prethodnoj godini
 - c) Za kriterij iz tačke c) izjava o uvozu konkretnog proizvoda u prethodnoj godini.
- (6) Na zahtjev Ministarstva uvoznici su obavezni dostaviti i drugu dokumentaciju kojom dokazuju svoju izjavu iz stava (5) ovog člana.

Član 8.
(Razmatranje zahtjeva)

- (1) Zahtjev iz člana 7. ove Odluke se neće razmatrati u sljedećim slučajevima:
 - a) ukoliko zahtjev nije dostavljen u roku navedenom u članu 7. stavu (2) ove Odluke;
 - b) ukoliko zahtjevu nije priložena dokumentacija navedena u članu 7. stavu (4) ove Odluke,
 - c) ukoliko Obrazac zahtjeva nije ispravno popunjen;
 - d) ukoliko uvoznik iz člana 7. stav (3) nije ispunio obaveze prema Poreskim upravama entiteta i Brčko Distrikta Bosne i Hercegovine i Uprave za indirektno oporezivanje Bosne i Hercegovine (u daljem tekstu: Uprava).
- (2) Izuzetno od stava (1) tačke c) ovoga člana, u slučaju da je zahtjev djelimično ispravno popunjen, razmatrat će se samo za proizvode za koje je tačno popunjen.

Član 9.
(Objavljivanje podataka)

Podaci o dodijeljenim tarifnim kvotama za pojedinačne podnosiocce zahtjeva, redovno će se objavljivati na web stranici Ministarstva.

Član 10.
(Postupanje Uprave)

- (1) Odobrenje o povlačenju iz tarifne kvote Ministarstvo dostavlja Upravi, koja ga evidentira u sistemu kvota, za svakog uvoznika pojedinačno.
- (2) Uprava je u obavezi da vodi evidenciju o iskorištenosti kvota, za svakog uvoznika pojedinačno i da o tome informiše Ministarstvo najkasnije do 31.1. tekuće godine, za prethodnu godinu.
- (3) Prilikom svakog uvoza robe iz člana 1. ove Odluke uvoznik prilaže kopiju odobrenja Ministarstva o povlačenju iz tarifne kvote.

Član 11.
(Prelazne odredbe)

Do sticanja uslova za raspodjelu kvota po ovoj odluci, najkasnije do 30.06.2017. godine, jedna trećina utvrđene količine kvote, za robe tarifnih oznaka iz člana 3. stav (3) tač. a) i b) će se uvoziti prema hronološkom redosljedu datuma prihvatanja prijave za stavljanje robe u slobodni promet. Za tarifne oznake iz člana 3. stav (3) tačka c) u 2017. godini cijela utvrđena količina će se uvoziti prema hronološkom redosljedu prihvatanja prijave za stavljanje robe u slobodni promet.

Član 12.
(Uputstvo)

- (1) Ministar vanjske trgovine i ekonomskih odnosa Bosne i Hercegovine donosi Uputstvo o provođenju ove Odluke, najkasnije u roku od 30 dana od dana stupanja na snagu.
- (2) Sastavni dio Uputstva iz stava (1) ovog člana je Prilog 1. (obrasci zahtjeva) i Prilog 2. (obrasci odobrenja).
- (3) Uputstvom iz stava (1) ovog člana će se propisati i rokovi čuvanja dokumentacije.

Član 13.
(Stupanje na snagu)

Ova Odluka stupa na snagu danom donošenja i objavljuje se u "Službenom glasniku BiH", a primjenjivat će se od 1. februara 2017. godine.

VM broj 1/17
25. januara 2017. godine
Sarajevo

Predsjedavajući
Vijeća ministara BiH
Dr. Denis Zvizdić, s.r.